6/23/2017 Sans Bold UDHR - Aja

# **Universal Declaration of Human Rights - Aja**

© 1996 - 2009 The Office of the High Commissioner for Human Rights

This HTML version prepared by the UDHR in Unicode project, <a href="http://www.unicode.org/udhr">http://www.unicode.org/udhr</a>.

# EJUKONWO GBEFANĐEĐE SOSO ACE AGBETOTOWO ŊÚ

#### **ENYOFONU**

Sosó egbexoxo do amenyinyi to alokpa dekpo kpwime kodo enusoso ci wò yi dogù wawa do eseji ko fàfà le èqbèmè,

Sosó edemaso le agbeto yoyo be agbeto mε ci yi don kanlinnuwawa va egbεmε, yi agbeto fon egu, yi shinxomε, ehonwo yi do yi ejukonwo dé egbefan be agbetowo le vo a xonuxonu, a vo a xose, a gbédon a gu aya le eko,

Sosó agbewoxe kpokpo do ese ji o, e le vevide be wo de do a ʒin amɛji; no de nyi nɛnɛ o, agbeto a va so ezo ta, a so nyidon le akon, a fongu do eganwuamɛ kodo amɛtafudotowo ji,

Sɔsó nusɛndodo nɔ dekawawa ko exlɔdodo a yi nukɔ le ejukɔnwo gblamɛ,

Sosó enyo ciwo yi le esewemamε wowo ejukon ciwo yi do ĐEKAWAWAGBε gbé degbefan yi nu be yewo kando agbeto cεwo ji, le amɛnyinyi ko eyi wanawomɛ, lé ŋusuwo kodo nyonuwotasowɛmɛ, yi yewo so egbe do eju no nonomɛ, ŋukoyiyi, no agbemɛnono a nyo no amɛ kpu, no agbeto a kpo vovo a wa enu ci yi drwi,

Sɔsó ejuwo kodo wowo kplekplegbε gbesosomε, nɔ wo a sɔ na bubu agbetɔ, a mi dàdà le eyi cεwo ji nɔ agbetɔ a vo fàfà,

Sosó dandandanmε ο, gbohwe agbe towo a wa do egbèfan lo ji ο, wo do a dó susu dekε do acε kodo vovokpokpo lo wo ji.

# **EYITAĐO**

## BDBDGAN DE EGBEFAN CE soso ace agbetotowo nu;

Egbefandede cε yi nyi ejukonwo, plenu do, yi wo a wa no, yi ameshyame kodo wowo bobowo a do no enukuvi, a tekpo, soto enukplankplan ko enununyanya gome, a tekpo no amebubu ko vovokpokpo a yi ameshyame kodo wowo bobowo a do no enukuvi, a tekpo, soto enu kplankplan ko enununyanya gome, a tekpo no amebubu ko vovokpokpo a yi nuko kenu no, le blewublewume o, edo lowo a nyi wawa le ejukplekple lowo me, no wo a zan wo nyononwito le ame ciwo yi do kple kplegbe lowo xwe kodo ame ciwo yi wo so do alome no wo nó wo a kpa ace no wo.

# Akpa 1

Agbetɔwo pleŋu vanɔ gbɛmɛ ko vovodeka gbeswɛgbeswɛ, sɔto amɛnyinyi ko acɛwo gomɛ; wo xɔnɔ susunywin ko jimɛnywi so esexwe. Wo do a wɛ nɔvi dada wowo nɔnɔwo gbɔ.

# Akpa 2

Amεdekpokpwi do a kpɔ nyɔna le acɛ ko vovo ciwo yi le egbe fandede cɛ lɔ mɛ. Amɛde de do egbe a mɔ akɔ, gbaza, nusukonyɔnunyinyimɛ, egbe, sɛ̀nsɛ̀n, politikinyɔ alo enyɔbudewo ci yi kan agbetɔ, dɔkun, jijixwe alo enyɔ alɔkpabude yi a na yi agbetɔ da kpɔ nɛnɛhan nyɔna.

Só zeto yɛnu ɔ, wo de do egbe a zɔndo politikise alo jejeshi le xixemɛ nɔ eju amɛdeétɔ nu a de eju lɔ do akpo. Nɔ eju cimɛ amɛlo so xɔ ablɔde can e le ejubuugɔnmɛ can, de le yidekishi can alo de do egbe a zan yideki le ci e drwi nɛnɛ can ɔ wo de do egbe a didoakpo.

#### Akpa 3

Amedekpokpwi do no agbenono le vovokpokpo ko kandoji amenutoto me.

#### Akpa 4

Amɛde de do egbe a sɔ ehalɔ wa ahwashi alo kannumɔ; agbetɔ a sɔ wa ahwashi alo kannumɔ le alɔdekpo kpwinu nyi ese.

#### Akpa 5

Wo de do a de efun no agbeto, kpo wo da do aya no agbeto, a wa xomevevenu, elannu alo enudèagbetokpoto nuwo kodo medekpokpwi.

#### Akpa 6

Amedeka do egbe a nya le afidekpokpwi mo agbetonyinyi yeeto do ace kodo ese ciwo wo do a nyi.

#### Akpa 7

Le ese nukɔ ɔ, agbetɔwo pleŋu nyi enudekɛ, é le gbeswɛgbeswɛ; wo do egbe nɔ cɔndoji alo nyɔna esetɔwo gbeswɛgbeswɛ. Wo pleŋu do egbe nɔ cɔndoji dekɛŋumɛ egacìmɛ yi wo dedeɔ voklan do enumowɛ a sɔ gban egbefandede cɛ lɔ kodo wanadekpokpwi ci a na yi wo a gbin.

# Akpa 8

Agbetɔdekpokpwi do egbe a je ehwɛ le kojodoxu eyijumɛtɔ ci gbɔ a je ehwɛ le dru nɔ wo gban acɛ alɔmajeŋu ciwo ese gangan alo ese gbalidekpokpwi ni wo.

#### Akpa 9

Wo de do egbe ci a le amε gbali gbali enudemawamawa, akpaŋu sɛnsɛntɔ a sɔ do egamɛ alo a do ese a sɔ nyi ti le eyijumɛ.

# Akpa 10

Agbetɔdekpokpwi do acɛ, le egbe sɔswɛ koŋu mɛ yi enyɔ ci nu ɔ yi e le ɔ, wo a si ni shigbe le wo a se amɛbuwotɔ nɛnɛ, le ahwamɛ le kojodotɔ ciwo ji wo da ʒin, yi wo a nɔ enyɔji, wo da nɔ agbetɔji. Le eganɔmɛ ɔ, kojodotɔlɔ a nu acɛ kodo esekɔnyinyi eyitɔwo ni alo adodwi ci le enyɔ vwin ciyi byɔ etodɔndɔn ciwo yi wo dodo ɔ ni.

#### Akpa 11

- 1. No wo do enyovwin ciwo byo etodondon no amede o, gboxwe ese a xo meloo, kojodotowo do a defyo le ahwame, le esemonu mo nenehame o, ye wa enyovwin ci yi byo etodondon nyawo, madefyo godu o, wo de do egbe a mo melo wa nenehamee nu. Le kojo lo doxu o, wo do a tekpo a hwlingan le ese nyikome gboxwe a glo.
- 2. Wo de do egbe a so ese xo amade no enyo alo enumadoeni ci yi ese eju lo to alo ese ejuwo plenuto de gbe le hwecinu wo wa enu lo. Nanake o, ese de xo enuvwin ci yi byo etodondon deo, ese hunno yi wo a so xo amaci yi je ago lo le hwenonuna; wo da don eto no amalo wugan eto ci ese hwenonuto lo byo.

## Akpa 12

6/23/2017 Sans Bold UDHR - Aja

Wo de do a so tafutafu a yi je amεbunyomε a so xodyi yi ko eyi mεwo, eyi nuwo nεnεke o, ganwuamεto de de do àcε azin amεbu wenawo ji a hlɛn, yi a gbe so gble nyiko ni; ese lo, gbe nɛnɛ wanawo.

# Akpa 13

- 1. Amede kpokpwi do ace vo, a dyi sa a yi afi ci yi drwi; neneke yi e do ace a do noxu le eju de kpokpwi me.
- 2. Amɛde kpokpwi do acɛ a to le eju de kpokpwi mɛ: e senŋ to le eyi ntɔ jumɛ a yi kaka a gbe trɔ gbɔ va mɛ fafɛde.

#### Akpa 14

- 1. No eganwuamɛcɛkpatowo je egamɛ no amɛde o, no amɛ lo a so senŋu a hwlɛn eyi ta o, e dogbe a byo bexu eju de kpokpwi yi eju lo do a xwɛ fafa de.
- 2. No amede je esenu me nyao o, ace ejukonwo plenuto cide de nagbe be yi le shito a yi eju bu me.

## Akpa 15

- 1. Amede kpokpwi do a nyí ejudekamevi.
- 2. Eganwuamɛcɛkpatɔ de de do acɛ yi a gbe nɔ eyi jumɛtɔ de be yi da gbe nyi yewo jumɛvi; nɛnɛke de do acɛ yi a gbe ni be yi nu gbe sɔ eju bu a trɔ eju hɔn mɛ vi.

# Akpa 16

- 1. Le asudede alo nyonudede game ɔ, dekajɛ ko cugbejɛ ciwo yi nyi akɔbunɔwo, ejubujubumɛtɔwo alo sɛnsɛn ebuebu mɛ tɔ wo ɔ, wo sɛnŋ de wo nɔnɔ wo, yi a sɔ egbe do eju a gbaku. Acɛ deka nmɛ yi wo do le enushyanumɛ so dede hwenu kaka va sɔ yi wo dekiwo gbegbe hwenu.
- 2. Amε ciwo yi jiji a de wo nonowo o, wo vi do a na egbeta dekaŋumε gbohwe eju a nya be wo de wo nonowo nyao.
- 3. Wố jitowo yi nyi ŋuklɛn alo esha ci yi a le nkɔ nɔ wo: nɛnɛke yi wo do a nyi kuku le eta nɔ wo nɛ.

#### Akpa 17

- 1. Amε deka kpaŋ yɔ a, alo e le egbεbɔbɔmε yɔ ɔ, e do acε do eyi ntɔ nuji.
- 2. Ace de kpokpwi de do a xɔ amɛŋutɔnu leshi ko akpasɛnsɛn.

# Akpa 18

Amede kpokpwi do ace a vo le enu ci yi druii le eyi tame, ejime ko sensen kpaxwe; e sennu gbé dɔli sensen kodo eyi susu lɔ wo, alo a de wo to nɔ eju a jeshi; e sennu like nɔ sensen ko susu lɔwo a dɔn amewo bɔ do eyi deki nu sɔ to nukɔyiyi le enukplankplan enuwawa, kodo sensen alo sensenwanawo plenu nu.

#### Akpa 19

Agbetɔ dekpokpwi do acɛ a vo le eyi susu alo eyi tamɛbubumɛ; e do acɛ a vo a nu enyɔ ci yi le susumɛ ni nɔ eju a se; e do acɛ a ji gɔnmɛ nɔ enuwo ko enyɔwo, a to emɔwo keŋukeŋu ji a drá wo nɔ xìxè kòŋunɛ alo ejuwo kpu a se; enude kpokpwi de do a doŋuklɛn alo vɔnvɔn ni.

#### Akpa 20

1. Agbetɔ dekpokpwi do acε a vo le bɔbɔwawa kodo egbε ci yi gbe ahwawawanyɔwo gbɔ.

2. Wo de do a so eganwuame a so lon ame do ehabobodeme.

#### Akpa 21

- 1. Amεde kpokpwi do a sɔ eyi fɔ cute a kpankɔn le eyi ju ŋukɔyiyi wanawo mε, alo a nagbe nɔ amεbu a wε.
- 2. So to edowa gome o, amewo plen do a kpo texwe gbeswegbeswe.
- 3. Ejukonwo drodro o, eyi a nyi esha le ŋuko no ejuwomɛcɛkpakpa. Eyi ji yi wo do a zon no no akodadawo do jojwɛ ji gamɛgamɛ.

# Akpa 22

Amedekpokpwi le egbɛmɛ do a vo faa a kpɔ nyɔna sɔso alɔdowomɛ, alɔdo hɔnwo a na yi a kpɔ vivivi le acɛ ciyi kan dɔkunmɔwo, agbetɔ eŋunuyanya ciwo de do a hwedo amɛ, yi a na ŋukɔyiyi nɔ amɛnyinyi le hlɔn hlɔn eju dekadeka ko wowoxlɔwawamɛ. Nɛnɛhamɛ hlɔnhlɔn ko exlɔwawa kan dɔkun eju dekadekatɔ.

## Akpa 23

- 1. Amede kpokpwi do a wa edo ci yi je kodi le jume, yi a kpo nyona ciwo yi le edo lo wawame.
- 2. Evototo dekpokpwi de do a no ehocucume no edo dekamuwatowo.
- 3. Edɔfɛncu ɔ, e do a sun edɔwatɔ ko eyi xomuwo, vɔ nɔ da sunɔ, wana bu dewo do a le e jumɛ a sɔ na wo vovo.
- 4. Edowato dekpokpwi degbe a do edowatowobobo ci yi drwi mɛ a sɛn nu a gbe no amɛtafu.

#### Akpa 24

Edowato dekpokpwi do a dó gbongbon hwenu a so vo, edowagamewo do a nyi dredreme. Le exwekpegbonjwiin eyi towo me o, wo do a cu no efen ni.

## Akpa 25

- 1. Amεde kpokpwi do a do enu ci yi a so kpo eyi ko eyi xomuwoji soto lanmesen, enududu, acododo, xomenono, dotoxweyiyi ko alodoamejudowaxu ciwo a na yi wo a vo; wo do a no godu ni le edomakpowa game, edolehwenu, le ekpoxome, nyoxome, neneke le enuwanu ciwo yi de so eyinuto drodro nu wo hwenu.
- 2. Alɔdu de do a li nɔ evijitɔwo ko wo vi. Evi ci yi asu ko ashi ji ji ko ci yi wo ji le gbanji wo ɔ, wo sɔ enu le ejumɛ, yi evototo de de do a nɔ wo mɛ.

# Akpa 26

- 1. Amεqe kpokpwi qo a yi sukulu a xɔ enunyanya gbaligbali, e glo ka ka can ɔ, a xɔ enunyanya gɔnmɛtɔ dandandan. Alɔnudɔ kplanxu sukulu wo qo a ni nɔ amε kpu. Sukuluganwo ɔ, wo qo a hun wo nɔ amε ciwo nununyanya je àbà hɔn mε nɔ.
- 2. Sukulu do a na wo a nyanunu so to agbetobubu gome. E do a na yi wo a nya be enusokeame, exlowawa le ejuwo glame akowo alo sensen wo gblame kodo ejuwokplekplegbe nuwanawo ci wo a na yi vovo a no gbeme, enu honwo o, enu vevi yi wo nyi.
- 3. Kplankplan ciha ŋumɛ yi deviwo a xɔ ɔ, e do a nyi wo jitɔwo nyɔ.

# Akpa 27

6/23/2017 Sans Bold UDHR - Aja

1. Agbetɔdekpokpwi do a vo a wa emumumunuwo kodo eyitɔwo, akpɔ jìjòle adaŋudododɔwo gbɔ, keŋu a nɔ waxu nɔ ŋukɔyiyi sɔto enudwi kuku gomɛ kodo wanywi ciwo yi a to le mɛ.

2. Amɛdekpokpwi ci yi nyi edɔdewatɔ dogbe a hwlɛn wananywi ciwo yi to le eyi nudwikuku gomɛ, eyi daŋudodowema ko eyi daŋu gomɛ.

#### Akpa 28

Amedekpokpwi dogbe a byo be hannyahannya nugbe no ejume, no wo a zon do ace kodo vovokpokpo ciwo yi zé le gbefandede ceme, soso agbetononome gbe soso ejukonwononome.

### Akpa 29

- 1. Amεdekpokpwi do a wa edo no eyiju cimε yi eyi nonomε alo eyigbetonyinyimε a to le, le vovokpokpo kodo ŋukoyiyi adodwi gomε.
- 2. Le eyicɛ kodo eyivovokpɔkpɔzanzanmɛ ɔ, ese dowo yi a gbe enyɔ nɔ amɛ nɔ wo a sɔ jeshi amɛbucɛwo kodo eyi vovokpɔkpɔwo gbɔhwe a sɔ kpɔ emɔ a dra enu do le wana gomɛ, le hannyahannya ma do dó acɛkpakpamɛ kodo vovo gbaja le eju ci yi ya nɔ eyidekishi.
- 3. Tretregbedi, wo de do egbe a zon ace cewo kodo vovokpokpo cewo to amebudewo ciwo de nyi afodoxuwo no ĐEKAWAWAGBE EJUKONWOTO.

# Akpa 30

Ejudekpokpwi, ehabɔbɔdekpokpwi, amεdekpokpwi de do egbe a sɔ Egbe fandede cε a sɔ wa enubadade alo a sɔ wa kanlindɔde shigbe a sɔ gbe be agbetɔwo da zan acε ko vovokpɔkpɔ ciwo yi ze le wemacεmε.